

mo sua, & inter ipsum & ascendentis dominum aliqua fuerit applicatio, cōmixtio, & conuenientia, significat quòd natus habebit bonum à rege. Et si nulla commixtio fuerit inter eos, natus erit separatus à rege, nec lucrabitur regis numen aliquod.

Quando dominus primæ alicui applicat luminari, uel luminare ipsi, bonum à rege portendit, si fuerit receptio. Si non receptio fuerit, non multum ex rege lucrabitur.

Vide planetam cui applicat dominus ascendentis, nam ab eo scies honorem & potentiam nati. Et similiter quis applicet illi. Vnde si fuerit applicatio eo existente in exaltatione sua, natus honorabitur, & lucrabitur à regibus & nobilibus. Et si applicet planetæ existenti in domo sua, laudabitur ab hominibus suæ ciuitatis, & similiter de triplicitate & termino iudicando proportionaliter. Tamen si dominus huius domus fortis & fortunatus fuerit, in prima uel duodecima, die natum honorari à regibus, & inde bonum habiturum.

Saturnus in diurna genitura in medio cœli potentior cæteris in figura, significat post tricesimum annum, natum illum à regibus debere uenerari & honorari, & inde utilitatem assecuturum. In nocte uero contrarium operatur.

Mars in medio cœli in natiuitate nocturna, significat natum à regibus honorari. In die contrarium.

Mars dominus ascendentis in medio cœli, præbet nato dignitatem atq; potentiam, quibus cum aliorum iniuria & crudelitate utetur.

Luna cum Ioue ambo ad augem suam ascendente, significant magnos & famosos.

Sol in medio cœli cum Saturno in signo masculino orientalis, dat nato robur & posse magnum.

Luna in Tauro in medio cœli uel ascendente, & Sol in Leone in prima existens, hos qui ita positos habuerit, ad magnam perueniet dignitatem.

Dominus ascendentis, & Luna in ascendente, si ambo sese fortunantes stellas aspexerint, erit natus ille in potentia, ita quod nullus poterit sua mandata præterire.

Cum domini triplicitatis luminaris nocturni fuerint ab eo occidentales, & lumine aucti, erit nato magnæ foelicitatis indicium.

Cuicunq; fuerit dominus ascendentis in dextro Solis, & supra ipsum eleuatus, id est, ductoriam habuerit, & iam perficiat suam orientalitatem, talis natus habebit regum amicitias.

Sol Ioui coiunctus, uel in eius bono aspectu, gloriam, laudem, & potentissimam dignitatis insignia largitur.

Iupiter & Mercurius in ascendente, claros & magni nominis uiros, & præfectos ciuitatibus demonstrant, natiuitate diurna existente. Si nocturna, facit procuratores, causas in foro agentes, aut aduocatos.

Si Venus in ascendente in sua dignitate fuerit, natus habit dominium, & induet bonos pannos & nobiles, erit thesaurarius regum, sapiens & intelligens. Si Venus non fuerit in dignitate sua, sed in signo terreo uel aqueo, natus erit tinctor pannorum, uel pictor. Si fuerit in quadrupede, erit bestiarum custos uel ductor. Et si in signo duorum corporum, erit cocus, uel tabernarius.

Malus planeta in nona impeditus, ibidem carens dignitate, significat quòd accusabitur & culpabitur cum, & sine causa. Si uero fuerit fortuna ibidem non impedita, & eo fortius si ibidem habuerit dignitatem, significat quòd honorabitur & laudabitur cum, & sine causa.

Dominus mediæ cœli si retrograditur ab Ictisal domini ascendentis, non recipietur natus à domino suo.

Cum